

# آشربہ درآ زندگی از مر

گلزار گجکی



بلوچی میوزک پبلیشرز سوسائٹی  
گوادر

آشرپہ دُڑا: زندہ ازم

بے جُست ء کس اے کتاب ء یا ایشی ء بھرے چاپ ء شنگ ء ر جانک ء شنگ کت

نہ کنت، دُڑستیں هکت ادارہ نیگ انت۔

آشرپہ ء دُڑا: زندہ ازم

گلزار گچکی

اسحاق خاموش

باسط شیخی

۵۰۰

جولائی ۲۰۲۱ء

۷۰۰ سد کدار

آتار پبلیکیشنز، کراچی

بلوچی میوزک پروموٹرز سوسائٹی، گوادر

کتاب ء نام:

ندکار:

رد ء بند:

سرتاک ء آکس:

دانگ:

اولی چاپ:

نهاد:

لے آؤٹ، گرافکس ء ڈیزائننگ:

چاپ ء شنگ:

\*\*\*

ISBN 978-969-23571-0-4

# نچین

I	ڈاکٹر صابر بدیل خان	آشرپہ دراء زہیروگ
XXII	یوسف عزیز گچکی	دلسوزیں آلمان
XXIX	ڈاکٹر تاج بلوچ	زیمبانی بنجاء
XXXII	گلزار گچکی	دودانگ
1		بنگیج اولی در:
11		گھول، دورہ باریگ دومی در:
20		بالادہ ذرو شمر؛
23		سانگ سور، چکی پساندگی سیمی در:
23		سانگ سور؛
25		چکی پساندگی؛
25		۱: میر شے لہ؛
25		۲: میر دوست محمد؛
26		۱-۲: میر آشرپ (سیمی)؛
27		۲-۲: میر یعقوب؛
27		۳-۲: فقیر محمد؛
28		۴-۲: محمد حسن؛

## آشربہ دراء زہیروک

**بلوچی زبان ہنداتی وڑے سے (۳) مزنیں شانکانی توکا بھر کنگ**  
 بیت، رودراتکی، روبرکتی، زرباری یا رخشانی۔ رودراتکی چہ کلات، ہرتوبئی کوهانی  
 رودراتک، نیمگانہدات بیت، تاں سندھ، پنجاب، روت انت۔ روبرکتی چہ کلات،  
 خضدار، بگرتاں میناب، بندرعباس، روت انت۔ گوریچانی چہ نوشکی، خاران، ہمے  
 دمگاں بگرتاں اوگانستان، ترکمانستان، در۔ پدا، اے ہر سیں گالوارانی کھولانی  
 دگہ بازیں شامب، لامب است انت کہ چہ یگے دومی، کسان کسانیں توار، لبزانی  
 بنیاد، جازانگ بنت یا گیشینگ بنت۔

چودگنیاء ایدگہ راجانی زبانی وڑا بلوچانی ہم نزدیک نزدیک، میتگانی  
 گالوارانی توکا کسان کسانیں پرک است انت، بازو ہدا، میتگ، آیتگ، گالوار  
 ہم پرک کن انت یا یگیں شہر، یک بھرے، توار چہ دومی بھر، نندوکانی لبزانی  
 گوشگ پرک کن انت، چہ میتگ، دنگ، گالوار، تواراں سرپدیں مردم ہما  
 ساہت، زانت کت کنت کہ اے کجام دنگ، میتگ یا بازار، مردم انت۔

پہ درور، تربت شہر، شاہی ٹمپ، گوشکلات کہ چہ یگے دومی، ۵ تا ۶ کلو  
 میٹر دور تر نہ بنت، چہ کرناں آیانی نند، نیاد، سور، سانگ، مرگ، پاتیا، نیادی

ھرچی یک بوتگ آنت ۽ آست آنت ۽ مچ ۽ ڈگار اش ہم ہمبند آنت۔ اے دوئیں  
جاگھانی مردمانی گالوارانی بازیں توار انچین آنت کہ کچھ ۽ مردم ہا ساهت ۽ ساهت  
سر پد بیت کہ اے شاہمی تمپ ۽ مردمے یا کوشکلات۔

ہمے وڑا تمپ ۽ مند ۽ یازر بار ۽ نیمگا کلاچ ۽ پسنی ۽ مردمانی گپانی توکا ہندی یا  
دگی جتائیں توار گند گاکینت۔ پد اتیاب دپی میدگاں ہم ہر یک میتگ ۽ بازارے ۽  
وتی چندے جتائیں توار آست آنت، پہ درور، ہما کہ بُن ۽ بُنکی مید آنت کہ آیانی  
گالوار چہ اید گہ مردم ۽ کھولاں کہ چہ مکران ۽ کوہ ۽ کوپچگاں اتلگ ۽ تیاب دپ ۽ جھ  
مند بوتگ آنت آہانی گالوارانی توکا پرک آسانی ۽ سراپچا آرگ بیت بلے کہ اے  
چہ بازیں پُشناں ہمید اندوک آنت ۽ وتارا ہر وڑا مید گوش آنت۔<sup>1</sup>

تھنا بلوچی زبان ۽ توکا اے پیمیں کسانیں پرک نیست آنت، دُنیا ۽ دُر ستیں  
راج ۽ قومانی زبانانی توکا اے پیمیں پرک ۽ تپاوت گند گاکینت چو کہ بر تانیہ، اتالیہ،  
فرانس، یونان، عربانی ملک ۽ دگہ بازیں۔

<sup>1</sup> اے گیر آرگی آنت کہ اے وہد ۽ زمانگاں مید یک کسبی نامے، نسلی یا کہولی نامے نہ آنت۔ وہد ۽ کرناں چون بوتگ  
مردم گوشت نہ کنت بلے عمرے زمانگاں ہر گس کہ دریاوردی ۽ کار ۽ گلا کش آنت ۽ آئی پت ۽ پیر کی کار ہمیش  
آنت، آہر امید گوش آنت۔ اے وہدی میدانی توکا ہوت آست، گلستی آست، دشتی ۽ رئیس آست، میدگل ۽ بزنجو ۽  
اید گہ مزن نائیں بلوچ کھانی مردم ہم آست آنت بلے گمان ہمیش آنت کہ وہد ۽ زمانگاں میدوت یک کٹمے بوتگ کہ  
تے وہدی ہم بندنی شہراں میدانی پاڑہ آست آنت کہ اودا ہما بُنی مید نندوک آنت۔ دگہ یک د پچسپیں گچے ایش  
آنت کہ آگاں دریاوردی مردم زگری یے بوت گڑا آہر اپادی گوش آنت، مید نہ گوش آنت۔ بوت کنت کہ جاہے  
جاہے آوتارا مید ہم گوش آنت بلے باز کم۔ اے ہم بوت کنت کہ چو کہ زگری بلوچ دریاوردی ۽ کار ۽ نوک آنت  
ہے واسطہ آہاناں پادی گوش آنت بلے مازاناں کہ بازیں جاگہاں زگری بلوچ چہ بازیں پُشناں دریا ۽ کار ۽ گلا کش  
آنت ۽ آہانی روزگار تہنا ہمیش آنت بلے پد اہم آمید گوشگ نہ بنت۔ دگہ یک اہمیں گچے اے گندگ ۽ کیت کہ  
تیاب گور ۽ بازیں جاگہاں نمازی دریاورداناں مید گوشگ بیت ۽ زگری دریاورداناں بلوچ۔ باز وہد امر دم جست  
کن آنت کہ باریں پلانی میدے یا بلوچے؟ مرچی باندا گوار، پسنی ۽ ہے دمگاں گیشتر مید ۽ پادی ۽ لبز کار مرز بیت  
بلے اور ماڑہ ۽ تھی وہدی ہم گوش آنت کہ پلانی میدے نہ آنت، بلوچے، یا سن بلوچے نہ اوں، میدے اوں۔

بلوچی زبان ۽ گالوارانی سرامے تران ۽ پندات کنگ ۽ بُنی مول ۽ مُراد  
 ہمیش ات کہ انچوش کہ ماوتی زبان ۽ راسے (۳) مز نیں شانکانی توکا بھر کنیں ۽ پداچہ  
 ہر یک شانکے ۽ دگہ بازیں شامب ۽ لامب گیشینیں، ہمے پیا بلوچی ساز ۽ زمیل ۽  
 گیدی سوتانی تھرانان ہم مردُم سے (۳) مز نیں دگی شانکانی توکا بھر کت کنت۔  
 بزاں رودراتکی، روبرکتی ۽ گوریچانی یار خشتانی (انچوش کہ بلوچی زبان ۽ مز نیں گالوار  
 انت)۔ پہ درور، ساز ہمے یگیں ساز انت بلے چریشانی تارانی ساز کنگ ۽ لنگکانی دارگ  
 ۽ گردینگ ۽ زانگ بیت کہ اے کجام دنگ ۽ ساز انت۔ ماگندیں کہ سروز ۽ دمبورگ  
 تیوگیں بلوچستان ۽ یگیں وڑا است انت بلے اے سیں دمگانی توکا ایشانی توار ۽ ساز  
 کنگ ۽ وڑ ۽ بیم ہر جاگہ جتا انت۔ ہمے پیا نل انت یا نل ۽ سُر انت۔ پہ درور، اگاں  
 مکران ۽ مردے دونلی جنگاہہ بیت مردُم ہما ساهت ۽ زانت کہ اے کجام دنگ ۽  
 سازی انت ۽ اگاں مری بگٹی یا کوہ ۽ سلیمان ۽ بلوچے نل جنگاہہ بیت ہم مردُم زانت  
 کنت کہ اے کجام دنگ ۽ ساز انت یا بوت کنت۔ ہمے پیا ایدگہ ساز انت۔

منی دل ۽ تھنائیں ساز ڈھل ۽ سُر ناہانی انت کہ بلوچستان ۽ گیشتریں دمگاں  
 یگیں وڑا جنگ بنت۔ بلے کہ ڈھل ۽ چاپ ۽ ہر ج دنگ ۽ وتی جتا میں نام انت چوش  
 کہ مکران ۽ دوچاپی، رختان ۽ دنگ ۽ سہبت ۽ رودراتکی دنگ ۽ دریس ۽ نام ۽  
 زانگ بنت۔ نزا ناں چیا تھنا ڈھل ۽ سُر نام ۽ rhythm کم ۽ گیش تیوگیں بلوچستان ۽  
 یک انت بلے بوت کنت کہ چوش کہ اے مے لوڑی ۽ ڈومبانی کار بوتگ ۽ لوڑیاں  
 تیوگیں بلوچستان ۽ دمگاں وت ماں وتا سور ۽ سانگ کنگ، آھاں وتی پت ۽ پیرکی  
 راہبند تیوگیں بلوچستان ۽ یگیں وڑا دوم داتگ ۽ داشتگ۔

ایشی ابید مکران ۽ دنگ ۽ سوت یک کسانیں گالبندے ۽ نام انت کہ گیشتر  
 مھر ۽ دوستی ۽ درشانی ۽ سر انت ۽ بلوچستان ۽ ہر ساز ۽ گوما جنگ بیت۔ سوت ۽ نام یا

اے ترز یا گلبند بلوچستان ایدگہ دوئیں دمگاں بوگہ ہال مارا سر نہ بوتگ یا کم چہ کم مناسر پدی نیست انت۔ ہمے پیما بلوچی شیرہ جنگہ وڑہ پییم و ترز ہم اے سینیں دمگاں جتا جتا انت۔ مری بگٹی و کوہ سلیمان دمگہ بلوچ شیر جنوکاناں لوڑی و ڈومب گوش انت (مرچاں اودا ہم قبائلی بلوچ، چو کہ مری، بگٹی، بلیسی و دگہ گوں سروزہ دمبور گاں شیر جن انت بلہ و ہدہ زمانگاں تھنا لوڑی و ڈومباں اے کار کتگ) اے شیراں وتی وڑا جن انت و آہانی چھیالانی وڑہ پییم ہم چہ ایدگہ دوئیں دمگاں جتا انت و پچارگ بنت۔ مکران و شیر جن پھلوان گوشگ بنت (مرے زمانگاں کہ ایدگہ بلوچاں ہم شیر جنی بندات کتگ اے وتارا پھلوان نہ گوش انت، شار گوش انت و شاراناں، بزاں شیرانی بند وکاناں، شور گوش انت)۔

بلوچ ڈیہہ ایدگہ دوئیں دمگانی درگت و مکران و شیرہ جنگہ وڑہ پییم و راہبند شاہگان تر انت۔ ساز و زبیل و ترز گیشتر انت و پھلوان و گوشندہ و زبان و بیان و وڑہ پییم جتا و گیشتر شاہگان elaborated انت۔ مرے زمانگاں مکران و چیزے پھلوان شیرہ راجنار و انت، بزاں کہ گالریچ کن انت بلہ پیش و زمانگہ و پھلواناں شیر ڈراما ناز کتگ و perform کتگ انت۔ آتھنا گوشندہ نہ بوتگ انت، performer ہم بوتگ انت۔ بزاں شیرانی جنگہ و ہداں پھلواناں گریتگ، کند اتگ، سٹ و دور کتگ، کوکار و جاک و سلوات کتگ، ہکل و گرو و نھر دد اتگ۔ بلہ چہ بیستھی کرن و پد و ہدیکہ بلوچانی نامداریں کھولانی مردماں ہم شیرہ جنگہ بناکت و وتارا چہ پھلوان و شار نامینگ بناکت، ایٹاں شیرہ جنگہ وڑہ پییم پھکا بدل کت انت۔ نوں شیر تھنا جنگہ یا گوشگ بوت و شیرہ perform کنگ ہلاس بوت۔ نوں شیرہ گالانی اہمیت چہ آئی ڈرامائی اہمیت و گیش زانگ بوت و ہدیکہ و ہداں کلا نہیں پھلوانانی کر شیرہ گال و واقعاتانی درشانی و انداز دوئیں ہم بوتگ انت، چیا

کہ شیریک ڈرامہ یا epic کے ہم زانگ بوتگ ء شیر ء پیش کنگ ء وهدا شیر ء تہ ء  
گلوہ ء درشانی ء وڑ ء پیم ہم آلی زانگ بوتگ۔

محمد ء ہیبتان یک رندے یک گند ء نندے ء ماں بریکی عمان ء من ء  
گوشت کہ ” مابلوچیں، ماوتار اشتر تریں بلوچ سر پد بنیں، مادیوانانی توکا ہجر اوشتوکائی  
شیر نہ جنگ ء ناں مادیوانانی توکا گشتگ ء شیر جنگ چیا کہ اے لوڑی ء آگازیانی کار  
بوتگ کہ آھاں دیوانانی توکا اوشتاتگ یا گشتگ ء شیر جنگ یاناج ء سھبت ء سٹ ء  
دور کتگ۔ مادیوانانی توکا تھنا زونڈ جنگ انت ء شیر جنگ۔“ پھلوان محمد ء ہیبتان ء  
گوشتگ ء پدا گڈی پھلوان فیضک بوتگ کہ آئی دیوانانی توکا اوشتوکائی شیر جنگ ء  
وتی ورنائی ء باز وهدا شیرانی جنگ ء وهدا کنداتگ، گریگ، هگل ء هوگل کتگ،  
بزاں شیرانی بنداناں ہما بندانی حساب ء پیش کتگ وهدیکہ ماتھنا شیر جنگ۔ آئی  
گوشتگ ات کہ شیر ہانوادھی چیزے بجلی ء سبگی چیزے نہ انت۔

ہم پیما مکران ء جتائی، دُوری، زیادھیں مھر ء بے سوبی ء سپر ء گالبد ء ساز  
زہروک ء نام ء زانگ بیت، رود راتکی دمگاں اے پیس گالبد ڈیھی ء گوریچانی  
دنگ ء گیشتر لیکو گوشتگ بنت۔ مکران ء جاھے جاھے لیکو ء ڈیھی دوئیں است انت  
بلے اے وڑا شاہگان نہ انت چو کہ ایدگہ دوئیں دمگاں انت۔ البت زہروک ء  
استی ء اے دگہ دوئیں دمگاں من ء سر پدی نیست۔ بزاں مردُم گوشت کنت کہ  
زہروک مکران ء گیشتر یا اے بہ گوش کہ تھنا مکران ء دنگ ء یک اہمیں زمیل ء  
گالبدے۔ مردُم اگاں زہروک ء کیشینتگیں ء نامی نہیں تھرانان بلوچی ء کلاسیک  
بہ گش ایت، رذنہ بیت۔ چیا کہ ایشی ء کیشینتگیں ء من ایتگیں راہبندے ء ہر کس  
کہ ایشی جنت، باید انت کہ آھاں راہبندانی سرا بروت انت۔ اگاں ناں، سر پدی نہیں  
گوشتاروک زہروک جنوک ء را ایر جن انت ء باز وهدا انچوش ہم بوتگ کہ

سازی یا گوشندہ چہ دیوان ء پادکنگ ء گلینگ بوتگ انت۔  
 بلوچستان ء لھتیں جاگہ ء ہند، چو کہ کوشکلات انت، پہ زہیروک ء بلدی  
 ء نامدار بوتگ انت، اود ء مردُم بلوچی ساز ء زمیل دوست بوتگ انت ء زمیل ء  
 تھراں سک بلدکار بوتگ انت۔ بازیں ساز گر ء پھلواناں وتی چکاسنگ ء واسطہ  
 کوشکلات ء شتگ ء دیوان کنگ یا کوشکلات ء شتگ ء ساز ء زمیل در بُرتگ۔  
 کوشکلات ء بارہامن چہ مردمانی دپ ء بازیں کتہ اش کنگ انت چو کہ اود ء مردماں  
 باز رندا نابلدیں ء رچی پچی میں ساز گر ء پھلوان چہ دیوان ء لپارگ جنگ ء گلینگ  
 انت۔ پھلوان مزار ابراہیم ء یک گلگدارے ء من ء گوشت کہ آئی بازیں وھد  
 کوشکلات ء گوازینگ ء چہ اود ء بلدکاراں زہیروک ء تھر ء زمیل در بُرتگ۔ آئی  
 گوشت کہ توگاں کوشکلات ء مردمانی کر پاپاس بوت ءے بزاں تو بلوچستان ء ہر کُند  
 ء دمگاں شیرجت کن ءے۔ دومی جاگہ باہو ء دشتیاری ء بارہا گوشگ بیت کہ اودا  
 ہم مردُم بلوچی پھلوان شازی ء زہیروک ء سک بلدکار بوتگ انت (فقیر شاد ء  
 گوں پھلواناں وتی گلگداراں اے درگت ء باز جوانیں سرپدی دیما آؤرتگ)۔

بلوچی ء ایدگہ ساز ء گالبنداںاں مردُم فوک گوشت کنت چیا کہ آھانی  
 یک بندیں راہبندے نیست انت ء ساز گر ء گوشندہ ء راھر وڑا آزاتی آست کہ آ  
 اے زمیل ء گالبنداںاں چوں بہ جنت بلے زہیروک ء ساز ء توکا آپابند انت کہ ہر  
 زہیروک ء ساز ء راھمانی اسکیل ء پدا بخت۔ زہیروک ء راہبندانی پابندی ہر پیمائی  
 انت، ہمے واسطہ ء بازیں پھلوان ء سُروزی گوش انت کہ زہیروک ء بلدی ء  
 واسطہ ساز گر ء گوشندہ کم چہ کم تاں سی (۳۰) سالان شریں ء کلا نہیں پھلوان ء  
 سُروزیانی شاگردی ء بہ کنت گرانوں آزہیروکاں شری ء سرادر بُرت کنت ء ہر  
 زہیروک ء چست کنگ، جھل ء بُرز برگ، ایر آرگ ء کُشگ ء بلدکار بوت کنت۔

زہیروک چو کہ زیملانی یک سیر ء شاہگانیں تھرے ء نام انت ہمے وڑا اے تھرائی  
جتا جتائیں نام آست انت ء ہر یکے ء جتائیں ساز ء زیملانی وڑا اسکیل ء راہبند آست  
انت۔ ساز گر ء گوشندہ الہی ء ہمارا ہبند ء اسکیل ء پدا بر و انت۔

کلیں زہیروکائی تھر ء بھر سر جم ء زانگ نہ بنت چیا کہ مئے زیمل تہی  
وہدی سر جمیں وڑے ء اے پڑے بلد کار ء پولکارانی دلگوش ء دور بوتگ، سر جمیں  
وڑے ء چنگ ء یکجا کنگ نہ بوتگ، آئی زیملی گیش ء گیوار کنگ نہ بوتگ، پمے واستہ  
اے گوشگ گران انت کہ باریں کل زہیروک چنگس انت۔ چیزے گوش ایت  
بیست ء دو (۲۲) انت، چیزے گوش ایت سی ء شش (۳۶) انت ء چیزے گوش  
ایت چہ سد (۱۰۰) ء برز انت۔ (جان محمد دشتی ء پدا بلوچی زہیروک بُنیاد ء دو انت،  
یکے بلوچی ء دومی گردی۔ آئی گوشگ ء پدا اے دوینانی پدا دگہ بیست (۲۰) ء  
کساس ء شامب ء لامب آست انت۔ جان محمد دشتی ۲۰۱۹ تا کدیم (۱۱۶)۔ بلے تنگہ  
اے زہیروک چنگ ء یکجا کنگ مہ بنت ء ایشانی زیملی ترز نبشتہ کنگ مہ بنت تنا  
وہدا ایشانی پرک ء پچار گیشینگ نہ بنت۔ اے گوشگ آسان نہ انت کہ زہیروک  
باریں کل چنگس انت۔ چو کہ وہد چہ مئے دست ء گوں تیزی ء در آہان انت، ہمے  
واستہ مئے دڑستانی راجی ذمہ جوڑ بیت کہ اے وہدی ماہرچی کہ زہیروک ریکارڈ  
کت کنیں بہ کنیں ء پہ باندا ت ء بہ پھریزیں۔ یک برے کہ ریکارڈ ء توکا اتک انت  
پدا گڑا آؤکیں باندا ت ء بلوچوت یادری مردوم ایشانی سراکار کت کن انت ء ایشانی  
سازانی اسکیلیاں نبشتھی ذروشم ء آؤرت کن انت۔

یک دگہ چیزے گندگ بیت کہ کچھ دنگ ء ورناء و انندہ ہمگ سُروزی ء  
راؤلی جُست ء چہ آشرپ ء دڑاؤ زہیروک ء کناں۔ اے بدیں گپے نہ انت چیا کہ  
آشرپ ء دڑاؤ زہیروک سکیں اہمیں زہیروکے بلے زہیروک تھنا ہمے یکیں نہ

انت ءِ ہمے یگیں زہیروک ءِ را گرگ ءِ دارگ ءِ ایدگہ زہیروکانی اہمیت ہلا س  
 بیت کہ بلوچی زیمیل ءِ واستہ یک سگیں مز نیں تاوانے بیت۔ ما باید کہ ایدگہ ڈرستیں  
 زہیروکاناں یگیں وڑا اہمیت بدیاں ءِ اے ڈرستاں بہ چناں ءِ یکجا بہ کناں۔ پدا ہر  
 وھدا کہ زہیروکے ریکارڈ کنگ بیت، باید انت کہ آئی اول سرا یا گڈ سرا ما ہا  
 زہیروک ءِ نام، گشندہ یا سازگر ءِ نام، جاگہ، روج یا شپ ءِ وھد ءِ پاس ءِ سال ءِ ماہاں  
 ہم بہ گوشاں۔ باندا تیگیں مردم باید بز ان انت کہ اے کجام زہیروک انت ءِ گے ءِ  
 کجام ساز ءِ سرا، کجام جاگہ ءِ کجام وھد ءِ پاس ءِ جنگ۔ اے مئے راجی مڈی انت ءِ  
 راجی امانت انت ایشانی پھریزگ مئے راجی ءِ جھانی ذمہ انت۔

گلزار گچکی وتی کتاب ءِ واستہ پٹ ءِ پول ءِ وھدا اے درگت ءِ بازیں  
 جست ءِ پُرس کتگ ءِ بازیں سرپدی دیما آؤرتگ انت چو کہ چیزے زہیروکانی نام  
 چون بندگ بوتگ انت ءِ اے نامانی بنیاد چون انت بلے چو کہ گلزار گوش ایت،  
 اے نامانی سراتنے وھدی ہچ پیہمیں تپاک نیست ءِ اے گوشگ گران انت کہ اے  
 باریں گوں ہمے نام ءِ ہند ءِ دمگاں، چو کہ بشکردی، رودباری، زرکتلی، یا گوں  
 سازگر ءِ گوشندھاں، یا ہمے نامانی شیراں بندوک بوتگ انت یا سازگر ءِ گوشندھاں  
 چہ وتی پیریناں اے زہیروک اش کتگ ءِ در برتگ ءِ پدا جنگ انت؟ بز اں اے  
 کوھن ءِ کدیمیں زیمیل انت کہ مارا پشت ماں پشت آھان ءِ سر بوتگ یاناں۔ چیزے  
 زہیروکانی نام کہ گوشندہ ءِ سازگرانی نامانی سرا انت آھانی بارھا مردم ہمے گمان  
 کت کنت کہ اے ہمے مردماں اول سرا جنگ انت یا گوشگ انت ءِ رندا ہماہانی  
 نامانی سرا مھشور بوتگ انت بلے اے درگت ءِ ہم ہچ ہبر ءِ گمان آلمی نہ انت چیا کہ  
 چو ہم بوت کنت کہ ایشاں ہمے زہیروک چہ دگہ کسے ءِ اش کتگ ءِ جنگ انت ءِ  
 مردماں ہماہانی مردم یا سازندہ ءِ نام نزانگ یا بیھاں کتگ ءِ رندی جنوک ءِ نام ءِ سرا

ایشاناں جاگہ پہ جاگہ جنگ ۽ مہشور کتگ۔

اے ہبر پگائیں ہبرے کہ زہیروک چہ کرناں بوتگ ۽ آہان انت۔  
 نوکیں کسے ۽ یک نوکیں ترزے، زمیلے جوڑ کتگ ۽ وتی نوکیں زہیروکے جوڑ کتگ  
 بلے اے زمیل ۽ جند الم ۽ چہ کرناں پیداک بوتگ۔ ہمے زمیل ۽ ترزے زند گیری ۽  
 گمان ہمیش انت کہ اشرپ ۽ دڑا یا بیگم یاد گراں نوکیں زہیروک جوڑ کتگ، ۽  
 وھدیکہ ساز گر ۽ گوشندھاناں اے نوکیں ترزے زمیل دوست بوتگ، آیاں ایشاناں  
 دَر بُرتگ ۽ میتگ پہ میتگ ۽ مر اگش پہ مر اگش ہما جوڑ کنوک ۽ نام پر بستگ ۽ جنگ۔  
 ہمے پیما یک زہیروکے ۽ نام سرنائی انت۔ گمان ۽ ہمے کیت کہ یک بلد کاریں سرنائی  
 یے ۽ سرناء سہرا ہمے زہیروک جنگ ۽ پدا اید کہ ساز گر ۽ گوشندھاناں دوست بوتگ  
 ۽ آھاں ایشرا پدا ہر جاگہ کہ جنگ سرنائی یا سرناء نام دانگ بلے آپسوز کہ ہما سرنائی  
 ۽ نام گار ۽ بیگواہ بوتگ ۽ پما سرنہ بوتگ۔

پیش ۽ زمانگاں گوشندھ ۽ سازندہ باز بوتگ انت ۽ مھلوک ۽ راہم ساز ۽  
 زمیل ۽ ہب ۽ واہگ گیشتر بوتگ ۽ ریڈیو ۽ ٹیلیویشنانی نہ بوگ ۽ سوب ۽ ساز ۽ زمیلی  
 دیوان گیشتر بوتگ انت۔ پھلوان ۽ سوتی ہر وھد اسور ۽ بڑوک، ہامین ۽ جوپاگ، ۽  
 اید کہ شادھی مر آشاں ساڑی بوتگ انت ۽ وتی ازم اش در شان کتگ، پمے ہاترا  
 کونھیں مڈی ۽ چہ یک نسلے ۽ دومی ۽ سر بوگا آسانی بوتگ ۽ نوکیں ساز ۽ گالبد دیمہ  
 اکتگ انت۔

ہمے پیما مردم گمان کت کت کہ آوھداں ہر دنگ ۽ وتی دنگی زمیل  
 بوتگ انت کہ اگاں دگہ دگے ۽ سازندہ ۽ گوشندھاں دَر بُرتگ ۽ دگہ جاگھاں جنگ  
 انت ہما بئی جاگہ ۽ نام ۽ سرا گوشنگ انت چو کہ اے بشکر دے زہیروک انت، اے  
 زر کتگی انت، اے رودباری انت ۽ ہمے پیما۔ گلزار نبشتہ کت کہ واجہ محمد ۽ ہیبستان ۽

گوشکا بشکر دے زہیروک گوں بشکر دے شیرے بندوک انت کہ ملا موسیٰ آہے ترزے جنگ  
 بلے مردُم گوشت نہ کنت کہ باریں اے آہے پییم انت یاناں، چیا کہ مردُم آہے گمان آہے  
 کیت انت کہ بوت کنت کہ اے گوں ہما دنگ آہے نام آہے بندوک بہ بیت۔ سُروزے  
 تارانی نام آہے ہم چیزے زہیروکانی نام ایر انت چو کہ ٹٹ، میان آہے زہیروک آہے دگہ۔  
 گمان ہمیش انت کہ اے زہیروک آہے سیمانی سرا چست کنگ، جنگ آہے گوشکا  
 بوتگ انت بلے ایشی سازندہ آہے گوشندہ آہے گوشت کنت، ماچہ اے دویناں ہچ نیان۔  
 زہیروک آہے یک دگہ اہمیں کردے مکران دنگ آہے بلوچی شیر وندی  
 بزاں پهلوانی شیر جنی آہے توکا بوتگ۔ مکران آہے دنگ آہے شیرانی جنوک پهلوان آہے نام آہے  
 زانگ بنت کہ ایشی بُنی مانا، مئے گمان آہے ”بامردانی کردانی سرا بستگیں شیرانی  
 جنوک“ انت، ( پهلو = بامرد، بھادڑ آہے وان = وانوک۔ پهلو + وان = پهلوان )۔  
 انگریزی آہے مردُم ایشی مانا ہا Singer of heroic deeds گشت کنت۔

مکران آہے دنگ آہے شریں پهلوان ہما زانگ بنت کہ آوتی شیراں چھیال پہ  
 چھیال کت بکن انت کہ اے چھیال زہیروکانی سرا بنت۔ نامی نیں پهلوان وتی  
 شیراں بندات گوں زہیروک آہے زیمیل آہے کن انت آہے بازیں وھدا شیرے ہلاسی آہے گڈی  
 بند آہے ہم گوں زہیروک آہے جن انت پدا شیرے نیام آہے وشن گٹ آہے بلدیں پهلوان شیراں  
 چھیال پہ چھیال کن انت کہ اے ڈرستیں چھیال زہیروک آہے زیمیل آہے سرا بنت۔  
 شپ ہرچی کہ دیما روان کنت پهلوان آہے گٹ آہے ہم پیمانچ بوھان بیت، سُروزے سیم  
 گرم آہے ٹرند تر بوھان بنت آہے شیری دیوان آہے مردُم گچینی بوھان کن انت نوں اے  
 وھداں پهلوان وتی زورے سرا کیت انت آہے زہیروک پہ زہیروک کنت، البت رچی  
 پچی نیں پهلوان شپ آہے کجام پاس آہے یگیں وڑا جنان کنت آہے روت، آہے زہیروک نہ  
 کنت۔ بازیں زہیروک نزان انت ہم یاگٹ اش ہما ہداری نہ کنت۔ ہما

زہیروک کہ جھل ترانت آشپء اولی پاساں جنگ بنت ء ہما کہ برز انت ء آہانی  
 جنگا سروز ء سازانی گرم گرگ ء ترند بوگ المی انت، آشپء گڈی پاساں جنگ  
 بنت۔ سازاگاں جھل بہ بنت گڑا برزیں زہیروکاں کش ات نہ کن انت ء پھلوان ء  
 رانیم راہ ء ذروہنت۔ بازیں پھلوان ء سروز ی گوش انت کہ چیزے زہیروک ہما  
 وھدا جنگ بنت کہ سروز ء سیم ء وتی دواز دھمی پیچ وارنگ بزاں دواز دہ شیریا  
 پسل (session) پیسے جنگ بوتگ ء ہر شیریا سیشن ء پد سروز ء سیم ترند کنگ  
 بوتگ انت ء نوں دواز دھمی ء پد سیم وتی گڈی سند ء رس انت۔ نوں اگاں چد ء  
 گیش ترند اش بکن ء، گڑا سدا انت۔

دگہ یک چیزے ء گوشگ المی انت، آیش کہ مرے زانگاں زہیروک  
 ء زیمیل ء بینجو، نل، سرن، ہارمونیم ء دگہ سازاں ہم کش انت بلے اے زانگ المی  
 انت کہ زہیروک ء بنیادی ساز تھنا سروز بوتگ۔ شریں پھلوان سروز ء دمبورگ ء  
 ابید گوں دگہ ہچ سازاں زہیروک ء شیر نہ جن انت ء شریں زہیروک چہ سروز ء  
 ابید گوں دگہ ہچ ساز ء کشگ ہم نہ بیت۔ تھنا سروز ء توکا اے تو ان است انت کہ آ  
 گوشندہ ء گٹ ء پڑ ء برزی ء نہ تھناشت بہ کنت بلکین آہر اسر ء سرکت بہ کنت ء  
 پدا جھلا آورت ء رس اینت ء کت بہ کنت۔

زہیروک ء راہبند ایش انت کہ اول سراسر سروز ی پندات کنت، سروز ی ء  
 کہ پندات کت گڑا زہیروکی آہر اگیپت، پدادوئیں ہواری ء برز ء رؤ انت، رؤ انت  
 تاثل ء سر بنت۔ ثل ء کہ سربوت انت گڑا زہیروکی وتارا دارایت ء سروز ی انگت  
 ء برز ء روت۔ پدا سروز ی ایر آہگ پنا کنت ء زہیروکی آہر اگیپت گوں۔ پدا  
 ہواری ء جھلا کاینٹ تازہیروکی زہیروک ء ساری ء کش ایت ء سروز ی آئیگی  
 پشت ء زہیروک ء کش ایت۔ مردم گوشت کنت کہ ادا سروز ی ء کار زہیروکی ء

پاسبانیء ہمراہداری کنگ انت۔ سُروزی ہندات ء راہ ء پیچ کنت، پدا آئیگی  
زندگیری ء کنت ء گد سر از ہیروکی ء رالوگ ء ر سین ایت ء نون و تاراچہ وتی ذمہ ء  
آزات زانت، بزاں سُروزی گوشندہ ء باڑی گارڈ ء پاسبان ء وڑا انت۔

زہیروک ء بارہا پرو فیسر ژان دورینگ نبشتہ کنت کہ بلوچی زہیروک چہ  
ایرانی ”مقام“ ء ہندی ”راگ“ ء جتاوتی یک پچار ء زمیلہ ء واہندانت کہ آہراوتی  
جندہ یک مرکزے است انت کہ چہ اے دویناں جتا انت۔ آگوش ایت:

Baluchi music has a specific flavor between India and Iran, between Maqam and Raag.” (Jean During, “The Baluchi Zahirig”, p. 1).

آدیتر از ہیروک ء بارہا گیشیں سرپدی دیان ء گوش ایت:

A Zahirig as a mode is characterized by a certain amount of traits:

-Almost all of them fit into a chromatic scale of 12 semi-tones.

-The majority of the Zahirigs are heptatonic yet a few important Zahirig are hexatonic, pentatonic motives are sometime found.

-Each Zahirig evolves in a range covering between one octave and one octave plus a sixth; it also spends on the singer's ability.

-In all of the Zahirig performances, the fundamental appears in an obvious way, at least in the conclusive section.

-several important Zahirig combine two scales or more, or include modulating section.

گیشتریں سرپدی دیانء پروفیسر دورینگ دیمتر گوش ایت:

A Zahirig can be identified immediately thanks to a few modal features such as its initial note (s) in relation to the fundamental, very small characteristic motives of 2 or 3 notes, or its general scale.

Each Zahirig has a very specific structure, with initials, finalis, profile, (one could say a sayr (سیر) modulation and obligatory motives. In this respect, each Zahirig is more or less a composition which allows for a great margin of interpretation, but it can also just be performed in a stereotyped and reduced way (Jean During, "The Baluchi Zahirig as a modal landscape and the Emergence of a classical Music", pp12).

دورینگ گوش ایت کہ پہ بلوچاں زہروک ہما حساب ء اہم انت  
 انچوش کہ پہ عرب ء تُرکاں "مقام" ء پہ ہندوستانیاں "راگ"۔ بلے آ اے ہم  
 گوش ایت کہ چو کہ تنے وھدی زہروک ء سر اکار نہ بوتگ ء بلوچ سازندہ ء گوشندہ  
 وت ناوانندہ انت، بلوچی ساز ء زیمیل ء اے تھر چہ جھان ء ساز بلدانی چٹاں چیر ء  
 اندر منتگ۔ آوتی تجربگانی بنیاد ء گوش ایت کہ گیشتر سُروزی یکے یا دو ء گیشتر  
 زہروک نزان انت ء اگاں بزان انت ہم، آھاں سر ء چیر کن انت یا چست ء  
 چہ یک زہروک ء کن انت ء ایرے کار انت گوں دگہ زہروک ء۔ آ گوش ایت  
 کہ تھنا ہا سُروزی کہ گوں پھلواناں ساز جن انت آ چیزے زہروک زان انت بلے  
 چوشیں سُروزی ہم باز نہ انت۔ کراچی ء ہد امرزی اُستاد کر سیم بخش سُروزی ء  
 ہوالہ ء ژان دورینگ گوش ایت کہ کر سیم بخش زہروک ء ایک ڈر چکے ء درور ء

پیش کتگ۔ انچوش کہ ذرچک بُنا کیلے ء بزرزاشامب ء لامب انت، ہمے پیماز ہیروک  
ہم بنیادے کیلے بلے پداشامب ء لامب کش ایت ء باز تھر ء جوڑ بیت۔  
زہیروک ء ہمدپ ء ہمتبیں زمیل ء گالبند بلوچستان ء ہمسائگیں  
اوگانستان ء ایران ء ہم اش کنگ بوتگ انت۔ کیلیفورنیا یونیورسٹی ء گوئنگلیں  
پروفیسر Lorraine Sakata نبشتہ کنت کہ اوگانستان ء گوریچانی دمگاں ماں  
بدخشان ء ستغان ء زمیل ء گالبندانی یک تھرے ء نام ”فلک“ انت کہ ہندی مردم  
ایشی ماناھا ”آزمان“ گوش انت بلے وھدیکہ مردم گیشیں جُست کنت گڑا گوش  
انت کہ ادا فلک ء بزانت آزمان ء مردم ء سراکھر بُوگ ء کسمت ء بھت ء چچی بُوگ  
انت۔ فلک ء بزانت ء مردم گموار بُوگ ہم دیمنت۔ اے گمواری ہما وھدا بیت  
کہ مردم چه وتی دوست ء آریزاں جتا بہ بیت، چه وتی ملک ء دیار ء کھول ء دور ء گستا  
بہ بیت ء جھانی گم ء آندوھانی آماج بہ بیت کہ مردم ء راوتی بے وسی ء مردمانی یات  
بے تاہیر بہ کنت ء مردم چه وتی جوز گانی زور ء فلک تھر ء گالبند چه وتی دل ء تہ ء بہ  
کش ایت۔ فلک یک زمیلے ء نام ہم آست انت ء گالبندے ہم۔ سکا تا گوش ایت کہ  
فلک زمیل ء چار، پنج شانک انت کہ ایشانی توکا کیلے ء نام ”زہیری“ انت، بزیاں  
پریشان ء گموار بُوگ۔ (Sakata 1983, pp. 53 and following: also  
Mark Slobin 1870)

ہمے پیما ایران ء یک گالبندے ہم آست انت کہ آھرا ”غریبی“ گوش  
انت۔ غریبی چو بلوچی زہیروک ء بدخشان فلک ء وڑا زند ء جنجالانی آماچی، دراں  
ڈیھی، چه دوست ء آریزاں دوری، ء مھرے بے سوبی ء مارشانی درآنگازی ء گالبند  
انت۔ غریبی ء جنگ ء وڑے پییم ہم کم و گیش چو بلوچی زہیروک ء وڑا انت۔ کولمبیا  
یونیورسٹی نیویارک ء پروفیسر اسٹیفن بلم نبشتہ کنت کہ غریبی گالبند گیشتر ہماھانی

گالبند انت کہ آچہ وتی مُلک ۽ دیار ۽ دُور انت۔ بزاں وھدیکہ توجہ وتی مُلک ۽ مردماں  
دُور بوت ۽، تو گریب بوت ۽ بلے کہ وتی مُلک ۽ تو بادشاھے بہ بے۔ گریبی  
گالبند گردستان ۽ ہم ریکارڈکنگ بوتگ انت کہ اودا ہم ۽ ہمیں جاوہالانی توکا  
گوشگ بنت کہ مئے زھیروک انت (پہ گیشیں سرپدی ۽ بچارات پہ ایران ۽ غریبی ۽  
Stephen Blum 2002 ۽ پہ گردستان ۽ غریبی ۽ Allison 1996)۔

آشربہ ۽ دُراہیروکی زھیروک ۽ یلے چہ نامدارترین نامان انت کہ آئی نہ  
تھنازھیروک جنگ، آئی زھیروک ۽ رایک نوکیں زیمیل ۽ تاملے ہم بکشاتگ ۽ وتی  
نام ۽ رابلوچ راجدپتر ۽ نیمیران کتگ۔ اَلم ۽ دگہ بازیں سازندہ ۽ گوشندہ ہم بوتگ  
انت کہ آھاں زھیروکاناں نوکیں تام ۽ زیمیل دانگ بلے ہمے گندگ بیت کہ اے  
دُستیں نام وھدے مجانی توکا چیر تراگ ۽ بیگواہ بوتگ انت۔ میر آشربہ ۽ ابید بیگم نامی  
یک بلوچ زالے ۽ نام ۽ ہم۔ گر انت بلے بیگم شاید وشن گوشے بوتگ ۽ آئی نام ۽ سرا  
کجام یک زھیروکے ۽ بارھا مارا سرپدی نیست۔ ماچشیں زھیروکے نہ اش کتگ کہ مارا  
آپہ بیگمی زھیروک ۽ نام ۽ گوشگ بہ بیت بلے کہ بازیں پھلوان ۽ سُروزی گوش انت  
کہ بیگمی نام ۽ زھیروکے ہم است (گلزار گچکی بیگمی سرا بازیں پٹ ۽ پول کتگ ۽ آ  
ہم گوں من تپاک دارایت کہ آئی ہم بیگمی نام ۽ زھیروکے اش کتگ بلے چہ ہچ  
سازی یا گوشندہ ۽ چشیں زھیروکے نہ اش کتگ کہ آھرا بیگمی زھیروک گوشگ  
بوتگ۔ (ٹیلیفونی گپ ۽ ثران، ۱۱ فروری ۲۰۲۱)۔

میر آشربہ چہ مکران ۽ گچکی ہاکم کٹم ۽ بوتگ کہ آوھدی دنگ ۽ سردار ۽  
سروک بوتگ انت پے واستہ آئی شیر ۽ زھیروک پہ زڑ و مال یا پہ روزگار نہ جنگ۔  
آئی گٹ وشن بوتگ ۽ آھرا زھیروک ۽ ہب ۽ دوستی باز بوتگ۔ آئی وتی دل ۽ تب ۽  
واھگ ۽ زھیروک جنگ ناں کہ پہ سور ۽ بڑوک ۽ دگہ مراکشاں پہ زڑ و مال ۽۔ اے

پہا آھر امر دُم پھلوانے گوشت نہ کنت چیا کہ پھلوان ہمانت کہ آشیر جَسنی ءِ راوتی  
روزگار ءِ کَسب جوڑ کن انت ءِ گوں گیشینتنگیں سازاں میتگ پہ میتگ یا مراگش پہ  
مراگش گردانت شیر جن انت ءِ داد ءِ دھش گر انت۔

اے درگت ءِ یک کسھے ءِ آرگ مئے گپ ءِ گیشیں گمک دنت۔ چوش  
ات کہ ۱۹۸۹ء من ثربت ءِ گوں واجہ یوسف عزیز گچکی گلگداری دیوانے کتگ  
ات۔ آوہدی من پھلوانی شیر جَسنی ءِ سراپہ وتی پی۔ ایچ۔ ڈی ءِ واستہ پٹ ءِ پول کنگا  
اتوں۔ اے گلگدار ءِ پھلوان ءِ شارانی سراگپ ءِ اتیں۔ واجہ ءِ میر اشرب ءِ سرا  
یک کسھے کت پہ اے پیش دارگ ءِ کہ ہمگ وش گوش پھلوانے نہ انت چیا کہ  
پھلوانی یک کسبے۔ آئی کسے کت کہ یک رندے میر اشرب ءِ سردار مہراب خان یک  
جاھے روگا بنت (شاید مرچی باندات ءِ روبرکتی مکران ءِ جاگاھے بیت کہ آزمانگاں  
مکران ءِ بلوچستان یکے بنت۔ (زندہ انگریز سیمسر جوڑ کن انت، بلوچانی سینگ ءِ سرا  
بھر ءِ بانگی سنگے یک کن انت ءِ بلوچانی دیار ءِ را بھر ءِ بانگ کن انت) وتی منزل ءِ سر  
بوگا ساری آہاناں شپ گپیت۔ نزدیک ءِ یک میتگے درابیت بلے چو کہ شپ کمتیں  
پشت بیت ءِ آہاناں اے میتگ ءِ پچاروک نہ بیت آھے شنور کن انت کہ چہ میتگ ءِ  
کمتیں گستاوتی بندر ءِ بہ گریں ءِ شپ ءِ ہمیدابہ گوازینیں۔ سردار مہراب خان میر  
اشرب ءِ گوش ایت کہ ادا مناترا گزن دور دنت بیا کمتیں میتگ ءِ نزدیک تر ءِ وتی بندر  
ءِ گراں کہ بلکیں کسے مئے آھگ ءِ سبئی بہ بیت ءِ ماراشامے بدنت۔ میر اشرب گوش  
ایت شام ءِ ذمہ منی سر انت، تو بے گم بو، منی ہمراھی ءِ تو ہم شام ءِ نہ و پس ء۔

گوش انت کہ آوتی بندر ءِ گر انت، بار ءِ بنگاں ایر کن انت ءِ وتار اگیگ ءِ  
گور کن انت۔ نوں میر اشرب بنگ ءِ تکہ دنت ءِ زہر وکے دپ ءِ کنت۔ زہر وک  
ءِ دپ ءِ کنگ ءِ دیر نہ گوزایت کہ میتگ ءِ مردُم، جنین ءِ مردین ہوار، کم کم ءِ آہان

۽ مُچ بوهان بنت۔ یک ۽ دوزہیروک ۽ پدمیر اشرب چارایت کہ میتگ ۽ کم ۽ گیش  
توگیس مردُم ہمید ااتگ ۽ مُچ انت آزیروک ۽ جنگا بند کنت۔ چه میتگ ۽ مردماں  
یکے گوش ایت، ”پهلوان زہیروک ۽ بند مکن، ماتئی زہیروک ۽ گوشدار گائنگاں۔“  
اشرب پسنہ دنت، ”واجه من پهلوانے نہ اوں۔“ پدمرد گوش ایت، ”شتریں شائر  
زہیروک ۽ بند مکن۔“ پدمیر اشرب گوش ایت، ”واجه من شائرے ہم نہ اوں۔“  
سیہی براں مرد گوش ایت، ”شتریں واجہ زہیروک ۽ بند مکن۔“ نوں میر اشرب  
گوش ایت، ”واجه ۽ لاپ هورک انت، واجہ چوں زہیروک جت کنت۔“ هادمان  
۽ مردے سچان کنت، وتی لوگ ۽ روت، گوچے کش ایت برتج ایت، وُرگ جوڑ  
کنت ۽ کارایت۔ اے وُرگ ورانت، هلاس کن انت، نوں میر اشرب گوش ایت  
کہ نوں واجہ لاپ سیر انت ۽ واجہ ۽ دم بُرتگ، واجہ زہیروک جت نہ کنت۔ میتگ ۽  
مردُم هر کس پادکیت ۽ دیم پہ وتی لوگاں روت۔

همے وڑیں کسھے گلزار هم وتی کتاب ۽ آورتگ ۽ گلزار ۽ اش کنگ ۽ پدا  
اے سرباز ۽ لوادی نامیں جاگاھے ۽ بوتگ۔ فقیر شاد ۽ اشرب دُڑا ۽ سراوتی نبشتانکے  
۽ هم همے پیسہیں کسھے آورتگ بلے فقیر شاد ۽ اش کنگ ۽ پدا اے تیاب دپ ۽ میتگ  
بوتگ ۽ اے کہ میر اشرب تھنا بوتگ، دگہ همراھے گون نہ بوتگ (فقیر شاد ۲۰۱۸)  
تاکدیم ۱۳ ۽ ۱۴)۔ اے بُرز ۽ کسہ کجا بوتگ، میر اشرب تھنا بوتگ یا گوں سردار  
مهرآب خان ۽ یادگہ کسے گون بوتگ، مارا آئی سرا اے وهدی گپ کنگی نہ انت۔  
چیزے کہ ماگوشگ لوٹاں، آایش انت کہ میر اشرب وتارا پهلوانے نہ گوشنگ چیا  
کہ پهلوان هما انت کہ آھانی کار ۽ کسب شیر جینی انت۔

میر اشرب ۽ شائر ی کنگ ۽ بارها هم مئے کراپگائیں حال نیست۔ بازیں  
گوش انت کہ آئی شائر ی هم کنگ ۽ فقیر شاد ۽ پدا آمز نیں شائرے هم بوتہ۔ آ



انت کہ گلزار آھر اوتی وانوکانی دیم ۽ پیش کتگ۔ اے کتاب ۽ وانان ۽ مردُم اے گندایت کہ گلزار ھچچ چشمیں سنگ پہ لیٹینگ ۽ یلہ نہ داتگ کہ آئی چیرا اشرپ ۽ بارھا کجام ناں کجام سرپدی رسنگ ۽ اُمیت بوتگ۔ آئی اشرپ ۽ سرانہشتہ کتگیں نبشتانک کہ اے وھدی شنک ۽ شانگ انت ۽ کوھنیں ماھتاک ۽ ساتاکانی توکا لوگانی کُنجاں کپتگ ۽ رمیزانی وراک انت، دُرستاناں شوھاز کتگ ۽ وتی کار ۽ توکا کار آمدی نیں چیز ھوار کتگ انت۔ ھمے پیماکچ ۽ دنگ ۽ پیرین ۽ سرپدی نیں مردُم کہ آھاں چہ وتی پیریناں اشرپ ۽ بارھا چیزے ناں چیزے اش کتگ ۽ زانتگ، آدُرستاناں جُست ۽ پُرس کتگ ۽ کتاب ۽ رایک سرجمیں کتابے جوڑ کنگ ۽ جُھد کتگ۔ ھمے پیمامیر اشرپ ۽ اوبادگاناں ھم یک یک ۽ جُست ۽ پُرس کتگ ۽ ھرچی کہ گیشتر سرپدی دست کپتگ، کتاب ۽ تھا جاگہ داتگ انت۔

اے درگت ۽ اے کتاب ۽ را مردُم یک سرجمیں پٹ ۽ پولی کتابے گوشت کنت کہ ایٹی آر زشت بلوچی ساز ۽ زیمیل ۽ دپتر ۽ تاں ابدانیت۔ ایٹی ابید اے کتاب پہ Cross Cultural Study ۽ ھم باز کار آمدیں کتابے بوت کنت چیا کہ زیمیل ۽ رازبان ۽ قومیت نیست، اے جھانی انت۔ انچوش کہ مامرچی وتی ھمسائگیں ملک ۽ راجانی ساز ۽ گالبنداں گوں وتیاں دیم پہ دیم کنان ۽ چاراں، ھمے پیمامے ھمسائگیں راجانی ساز ۽ زیمیل ۽ سراوھدے کہ نبشتہ کنگ بیت، آھاناں ھم مے ساز ۽ زیمیل ۽ تھا وتی زیملانی ھمد پین زیملانی چارگ ۽ تپاسگ ۽ واستہ یک مُستندیں کتابے اے کتاب ۽ ذروشم ۽ دست کپ ایت۔ ذریکتیں اے کار کہ مرچی گلزار کتگ، سد سال ساری کسے ۽ بکو تین کہ آوھدی بازیں بلوچی سازندہ ۽ گوشندہ زندگ بوتگ انت کہ آھاں اَلْم ۽ چہ مے وھد ۽ مردُماں اے زیمیل ۽ ایٹی ۽ گوشندھانی بارھا گیشتر زانتگ بلے پدا ھم انچوش کہ پارسی ۽ گوش انت ”دیر آید،

دُست آید“ دیرء اتلگ بلے گنج انت کہ اتلگ۔

گلزارء اے کتاب ء مکران ء گچیا نی بارھا ہم باز جوانیں سرپدی دیگ  
 بوتگ۔ چہ ملا مُراد ء آئی پنج ملک دینار ء بگر تاں میر اشرب ء دُرا، ء پد امیر اشرب ء  
 چک ء نماسگاں بگر تاں آئی اٹوگیں پسائندگاں دراء، کم ء گیش دُستانی بارھا  
 سرجمیں سرپدی دیگ بوتگ۔ میر اشرب ء دور ء باریگ، سور ء سانگ، چک ء  
 پسائندگ، زہیروک ء زیمیر، زہیروک گوشی ء داب ء انداز، اشرب ء توار ء شہار ء  
 بُرزی، تب ء روشنت، ء دگہ بازیں سرھالانی سرا جوانیں وڑے ء گپ ء تران ہم  
 اے کتاب ء تھا ہوار انت۔ ہمے پیما میر اشرب ء وش گوشی ء سرا بازیں کسہ ء داستان  
 کہ مردماناں یات انت، آئی لچہ کاری ء دگہ سرھالانی سرا ہم دلسیریں گپ ء تران  
 کنگ بوتگ۔

میر اشرب ء ابید اے کتاب ء توکا مکران ء دنگ ء بازیں پھلوان ء  
 گوشندھانی بابت ء ہم باز جوانیں سرپدی دیما آرگ بوتگ انت۔ بازیں پھلوانانی  
 نام، آھانی دور ء باریگ، جاگہ ء جھگیرانی بارھا ہم باز جوانیں سرپدی دیگ بوتگ۔  
 اے انجیں سرپدی انت کہ ایشانی بارھامے دور ء گیشتریں مردم ناسرپد انت،  
 اگاں اے چنگ ء یکجا کنگ مہ بوتین ات انت بلوچ ء آؤکیں پسائندگ چہ ایشاں  
 پھکار بھر بوتگ ات انت۔ اے زاتنگیں گپے کہ چیزے اگاں نبشتہ کنگ ء ایر کنگ  
 مہ بیت، آوھد ء دز ء مجانی توکا چیر ترایت ء گار ء بیگواہ بیت۔ اگاں ہمے پیمیں کار  
 دیما آرگ بہ بنت تہ ایشانی برکت ء بلوچ ء آؤکیں نسل پہ پھر ء شان گوشنت کنت  
 کہ یک وھدے مکران پہ پھلوانی شاری ء چنگس شاھگان بوتگ۔

واھگ انت کہ واجہ گلزار ء کتاب دگہ بازیں ورنانہاناں سکین بدنت کہ آ  
 بلوچی ساز ء زمیل ء گوشندھانی سرا ہمے پیمیں پٹ ء پول بکن انت ء بلوچی ساز ء

زیملی مڈی ء راجہ گار ء بیگواھی ء بہ رگین انت۔ ماراے زانگی انت کہ مئے ساز ء  
زیمیل، فوکلور ء سرزبانی لبزانک ء راجدپتر چیزے وھد ء مھمان انت وھد ء جاور باز  
تیزی ء بدل بوھان انت ء اے زانت ء سرپدی کہ اے چیزانی بارھامئے مھلوک ء  
یاداشتانی توکا مرچی آست انت باندا الم ء نہ بنت۔ اگاں مرچی ماھچ نہ کت تہ مئے  
پشپداناں مئے سراگر یوگ ء ابید دگہ ہچ چیز دست نہ کپ ایت۔ بلوچ ء راجی ساز ء  
زیمیل ء شیر وندی ء مدگ ء تنے وھدی تیو گابال نہ کتگ۔ ماھرچی کہ مرچی گپت ء  
وتی کوار ء کت کنیں باید کہ بہ کنیں، اگاں ناباندا پٹاھور کیں چادر اں ابید دگہ ہچ  
پشت نہ کپ ایت۔

ڈاکٹر صابر بدل خان

۲۰ فروری ۲۰۲۱ء، ناپولی، اٹلی

# سرشون

سید منظور شاہ ہاشمی (جنوری ۱۹۹۳ء) سید ہاشمی اکیڈمی کراچی، تاکدیم ۱۵۳ تا

۱۵۴

2 District Gazetteer of Balochistan (1906) Gosha-E-Edab  
Quetta(1997), Vol-II, p.759

عیسیٰ قومی، میر (اپریل ۱۹۶۷ء) میر اشرف شاعری، نوکیں دور مکران نمبر تاک

۲، تاکدیم ۲۱

نصیر خان احمد زئی، آغا (مارچ ۱۹۹۶ء) مکران ماں تاریخ، تاکدیمیاں، زندمان تربت تاکدیم

۱۱

کمالان گجلی، میر (اپریل ۱۹۸۲ء) کتاب لفظ بلوچی، بلوچی اکیڈمی کوئٹہ، تاکدیم ۵۳ تا ۵۴

فقیر شاد (۲۰۱۶ء) میراث (شے قاسم ملک دینار جنگ شیر)، فاضل ادبی کاروان

مند، تاکدیم ۵۰۲

حمید بلوچ (۲۰۰۹ء) مکران عہد قدیم سے عہد جدید تک، سید ہاشمی ریفنس لائبریری،

ملیر کراچی، تاکدیم ۲۶۶

8 District Gazetteer of Balochistan(1906) Gosha-E-Edab Quetta  
(1997), Vol-II, p.689

فقیر شاد (۲۰۱۶ء) میراث (شے قاسم ملک دینار جنگ شیر)، فاضل ادبی کاروان

مند، تاکدیم ۵۰۳ تا ۵۰۴

عبدالرحیم صابر، قاضی (ماہ و سال نبشہ نہ آنت) مکران تاریخ کے آئینے میں،

تاکدیم ۲۰۷ تا ۲۰۹

11 District Gazetteer of Balochistan(1906)Gosha-E-Edab Quetta  
(1997), Vol-II, p.689

- ۱۲ فاروق بلوچ (۲۰۱۹) خانِ اعظم میر نصیر خان نوری، فکشن ہاؤس لاہور، تاکدیم ۲۲-۸۰۳
- ۱۳ عنایت اللہ بلوچ، ڈاکٹر (۲۰۱۴) بلوچستان کا مسئلہ، جمہوری پبلیکیشنز لاہور، تاکدیم ۱۰۸
- ۱۴ فاروق بلوچ (۲۰۱۹) خانِ اعظم میر نصیر خان نوری، فکشن ہاؤس لاہور، تاکدیم ۲۲-۲۹
- 15 Naseer Dashti (2012) The Baloch and Balochistan, published by Trafford Publications, p.188
- ۱۶ ہیوز بولر (۱۹۰۶) گزیٹیئر آف مکران، رجانک، جو ادیاسر (۲۰۱۹)، الفیصل ناشران، تاجران لاہور، تاکدیم ۳۳۳
- ۱۷ عبدالرحیم صابر، قاضی (ماہہ سال نبشہ نہ آنت) مکران تاریخ کے آئینے میں، تاکدیم ۲۱
- ۱۸ فاروق بلوچ (دومی چاپ ۲۰۱۹) خانِ اعظم میر نصیر خان نوری، فکشن ہاؤس لاہور، تاکدیم ۷۷
- ۱۹ نصیر خان احمد زئی، آغا (۱۹۹۴) تاریخ بلوچستان (پنجمی جلد)، بلوچی اکیڈمی، کوئٹہ، تاکدیم ۲۵۴ تا ۲۶۳
- 20 Hughes Buller (1906) Balochistan District Gazetteer Series, VOL VII, MAKRAN, p.50
- 21 Hameed Baloch (2009) Makran Affairs (1840-1912), published by Sayad Hashumi Reference Library, Malir Karachi, p.256
- 22 Leech, Major Robert, (1844) “Notes taken on a Tour through part of Baloochistan, in 1838 and 1839”, by Hajee Abdun Nabee, of Kabul, 1838 and 1839, p.809. Arranged and translated by Major Robert Leech, in Journal of the Royal Asiatic Society of Bengal, LXIX, no. 154, pp. 786-826.
- 23 ibid
- ۲۴ کامل القادری (۱۹۷۴) بلوچی ادب کا مطالعہ، بولان بک کارپوریشن کوئٹہ، تاکدیم ۲۲۳
- ۲۵ ہمیش

۲۷ تہذیب و تمدن کے علمبردار (۲۰۰۹ء) کوثر انوار، ص ۱۰۰

۲۸ تہذیب و تمدن کے علمبردار (۲۰۰۹ء) کوثر انوار، ص ۱۰۰

(1906), (Second Edition in Pakistan 1997)

h Road Quetta, Vol-II, p.729

۲۹ تہذیب و تمدن کے علمبردار (۲۰۱۸ء) کوثر انوار، ص ۱۰۰

کوثر انوار، ص ۱۰۰

۳۱ تہذیب و تمدن کے علمبردار (۲۰۱۸ء) کوثر انوار، ص ۱۰۰

۲۲۲

۳۲ تہذیب و تمدن کے علمبردار (۲۰۲۰ء) کوثر انوار، ص ۱۰۰

906), (Second Edition in Pakistan 1997)

Road Quetta, Vol-II, p.728

۳۳ تہذیب و تمدن کے علمبردار (۱۹۷۶ء) کوثر انوار، ص ۱۰۰

( Makran Affairs (1840-1912), published

ference Library, Malir Karachi, p-256

۳۴ تہذیب و تمدن کے علمبردار (۱۹۷۶ء) کوثر انوار، ص ۱۰۰